

最近各省

金融
商况

調查錄

最近者省

金融
商況
調查錄

丙辰二月初版

定價大洋四角

著者 安徽桂紹熙



印刷所

國光印刷所

上海浙江路東新橋北首吉慶坊

最近各省

金融

調查錄

序一

粵稽古制。度量權衡。國有定制。監察貿易。市有專官。周置市官。漢置市長。法至良已。當是時也。民情樸厚。道德尊崇。守官府之定章。持信義以交易。爾毋我祚。我毋爾虞。泊世乎。道曰衰。人心日僞。欺詐之術。因利而生。國家既失維持之方。商人競圖巧取之利。而呼吸之大名目之繁。以金融界爲最。權衡失其重輕。而平之用亂矣。貨幣日漸淆雜。而色之名出矣。各地自爲風氣。久而演成習慣。僕性喜遨遊。足跡所至。十有餘省。恆以各省銀市平色不一。爲不便。幾令人目眩神迷。猝難索解。深冀有人焉。集全國銀市之平色。詳加比較。彙爲一編。俾操計算之術者。得以按圖索驥。借箸指南。不其休哉。桂君緝甫。世繼書香。營兼商業。棄書學賈。專心會計。乙卯歲。與僕共事申陽。出示所著各省平色比較錄一書。披閱一通。心曠神怡。曷所苦目眩神迷者。今皆瞭如指掌矣。不禁拍案叫快。得未曾有。因慫慂付梓。以公同志。吾知是書一出。人皆樂手持一篇。以資研光。不獨此書之受歡迎。可喜而作者之苦心。亦當緣此書而益彰。編中附載各省商務物品出產情形。略焉勿詳。緝甫尙

欲廣爲調查。詳加研究。別著一編。冀窺全豹。則兩書堪稱雙璧矣。當國家振興商務之時。正志士淬礪精神之會。學爲世用。有志竟成。緝甫其勉旃。古黔超盒陳昌琛敬誌。

序二

下走一書痴耳。弄筆外。無他技能。而館穀所入。歲率千餘金。亦可云厚幸矣。然十數年來。信手揮霍。絕無所儲。蓋生平於財。無貪無吝。古人云。千金散去還復來。竊嘗心誦此言。用自寬解。夫得金且不知寶貴。有語我以平色者。則更茫乎其無所知也。猶憶弱冠時。讀書鄉里。以所得課試膏火銀。與持錢者交易。或楮或幣。聽其所予。平色低昂。從不與校。但聞有所謂漕平庫平云者。年二十五。南遊蘇滬。偶持金入市。於是復聞有所謂蘇平滬平。年三十。北遊京津。雖服務於報社學校。亦間與商賈往來。於是又聞有所謂京平津平。越三年。走主講唐山路校。唐山爲直隸轄境。而地近關東。故民間皆通用東錢。銀色亦率以關東平爲準。若儼然皆東人也者。客歲于役豫南。服事鹺買。各商多以銀貿易。於是又聞有所謂申平汴平。走今年已四十矣。綜計此二十年中。經歷五六省市易之處。用銀雖一而平色參差。直令人目炫神迷。而莫可究詰。夫金融之混雜如此。雖甚精明。殆猶難辨。況書痴如下走者乎。曩嘗與所知論及此事。輒以中國無定平爲憾。所知告予曰。吾國非無定

平也。諺云：天下無二漕。蓋各省平色，悉准漕平。其紛歧錯出者，由地方各爲風氣，加減爲之耳。猶斗量然，直省升斛，雖各不同，而比較之標準，要必以邵伯筒爲主。此物，此志也。所憾者，政府無嚴肅整齊之法，使溝若畫一，聽地方之自爲低昂耳。予時耳其言，稍稍開悟。然終以平色淆亂爲國家權量不謹之憂。今讀桂君所著，乃益幸各省平色，地雖各殊，而手據此編，將無論客遊商運，道出何途，均可由比較而得其盈朒之數。則是編之詳確精審，洵有功社會之鉅製也。書中美備之點，如調查平色外，復旁及各地之通行貨幣物產商情、大埠名都、搜羅殆遍。而於艮維地域，特加詳真，使人有目擊一隅，心會四方之樂。尤足爲商業界之寶鑑矣。走旣愛而讀之，因借編首，抒寫鄙意，卽闡揚作者之宏旨焉。

洪憲元年春正月望後三日江都捷南氏湯殿三謹言

序二

予友桂緝甫先生，以所著最近各省平色比較錄一書見示。因乞序于予。予受而讀之，甚服其調查之確，比較之精，竊許爲商業界中之寶鑑。顧自愧不文，于此道又未深攷究，恐言之無當。其真有負作者，然實心羨之，而不能已于一詞之贊也。諺曰：天下無二漕。蓋各省之平色，悉准漕平，由來已久。其所以紛歧錯異之故，則皆地方各爲風氣，自相加減，遂

使平色無同一之規。而持衡者但覺其淆亂也。夫以中國之大。平色之殊如此。編調查所得已一百二十餘處。其未經調查者。歧異百出。尙不知至于何極。幣制本位。大半用銀。商賈往來。以之代價。平既不可廢。而持平不平。則營運所至。不一其途。交易之間。差以毫厘。謬以千里。國家無整齊之方。欲使人人皆精于計核。固非易事。緝甫此著。別其異等。其同如算術家之有比例。可以一演而知。一求而得。將見人手一編。開卷了然。卽無異持衡以往也。其爲便益。豈有涯涘哉。

洪憲元年春正月望後五日古申翰芬氏陳桂彬謹序

自序

余幼習商業。專心會計。及壯。週游內地。考查商情。歎吾國圓法之不修。致商場交易之不便。貨幣糅雜。市價參差。操計算之術者。幾覺目爲之眩。神爲之惚。然欲挈綱理繁。必先知其準的。而後能知所應付。用是悉心研究。不憚口筆之勞。遐搜博採。萃其所得。裒爲一篇。顏曰各省金融商況調查錄。不敢自祕。用供當世之採擇。而竊有感焉。夫我國商人習慣。用銀由來久矣。銀之輕重。衡而後定。於是乎有平銀之成分。高低不一。於是乎有色。故平色云者。專指用銀者言之也。而市場通貨。則有銀幣銅幣紙幣小洋制錢。造之者既非我國所獨有。用之者復從各地之習慣。不獨省與省自成風氣。卽一省之中。互相往來。而亦各立名目。自爲大小準合之法。則以銀爲主位。大抵然也。竊歎我國無國定之幣制。商人貿易。因無成法。物價頗紛雜不齊。有以錢名者。有以小洋名者。有以銀幣名者。有以銀名者。平色之種類。旣不一。升耗之計較。亦極眞。吾人一至市。傷非精於算法。莫能理其價。此市政之不便者也。輪軌交通。往來輻輳。然幣制不一。旅行者恆以爲苦。蓋旅行者必挈資以隨。往往甲省之百。至乙省而僅值八九十焉。甚且甲市通貨。至乙市而見排斥焉。此行旅之不便者也。通商各埠。金融伸縮。權全操外商之手。而外幣之流通。幾於吾市場佔優。

勝之勢。本國現幣。瞠乎其後。究厥理由。不難索解。此對外貿易之不便者也。各國債款。償還有時。而國家無一定之主幣。亦無操縱市價之特權。每屆交款。外人故抬磅價。政府暗受損失。太阿倒持。權利盡喪。此對外交涉之不便也。近年以來。財政當局。整頓金庫。不遺餘力。中國銀行。次第推廣。凡所謂制定國幣。劃一權量。皆在逐漸進行之中。則余之所謂不便者。終有便之一日。而吾數年來研究之心得。亦可於斯時出供世人之研究矣。若夫通商情計。市價攷出。產知物品。雖缺焉弗詳。然亦見其大概。余不敏。華路檻褓之功。固無庸多讓焉。

民國四年十二月桂紹熙自敘

編輯大意

一 是編所錄最爲確切。或據當地詳細之報告。或得之實地調查。較諸坊間所出之各省貨幣調查及中國金融等書。迥有霄壤之別。

一 是編除實在金融情形外。復將當地通行貨幣及商務出產交通等。均詳細載入。而於東三省情形尤爲詳盡。俾有志東北實業者。知所注重。是編調查所及大小商埠。都一百二十處。列爲上編。其餘仍當續爲調查。作爲下編。當續出版。

一 是編文字專求清醒。不求深奧。庶使人人均能曉讀。得收普及之利。而諒用心之苦。編者識。

最近各省^{金融商况}調查錄目錄

直隸省

北京 天津 保定 霸縣 密雲 靜海 蘆台 勝芳 祁縣 涿縣 邢臺 灤縣 滄縣 唐山 磁縣 留守營 石家莊 北通州 張家口 榆關

山東省

濟南 蘭山 滕縣 濟甯 周村 臨清 惠民 青島 膠縣 掖縣 濰縣 桑園 泰安 龍口

山西省

太原 運城 歸綏 大同 太谷 新絳 包頭鎮 豐鎮

河南省

開封 彰德 周家口 漯河 許州 禹州 信陽 南陽

東三省

長春 吉林 奉天 黑龍江 錦縣 鉄嶺 安東 新民 黑河 營口 大連

哈爾濱 遼源 西豐 巴彥 甯古塔 呼蘭 綏化

陝西省

西安 三原

四川省

成都 重慶 五通橋 瀘縣 自流井

湖北省

漢口 宜昌 沙市

湖南省

長沙

江西省

南昌 九江

江蘇省

南京 蘇州 上海 無錫 鎮江 揚州 清江浦 徐州 寶應 南通州 浦口

安徽省

安慶

蕪湖

大通

蚌埠

宣城

浙江省

杭州

嘉興

紹興

湖州

溫州

蘭谿

甯波

海門

福建省

福州

廈門

三都

龍巖

浦城

延平

瓊州

廣東省

廣州

佛山

北海

南雄

汕頭

江門

韶州

貴州省

貴陽

蒙古

庫倫

最近各省

金融商況

調查錄

直隸省

北京市面通用之平名京公砵計京公砵平每千兩比壘京市平大六兩比壘京市平大七兩比京平足大二十七兩北京庫平小三十六兩銀色極高非十足之色不能通行銀幣如新幣及站人北洋造幣廠等銅幣如各省所鑄紙幣如中國交通兩行鈔票及外國銀行所發行者均通用又平市官錢局近發行銅元錢票市面亦極暢行

北京一名燕京我國首都也居民富庶商務繁榮金融機關有中國交通殖邊鹽業等銀行及爐房銀號等二十餘家並花旗匯豐道勝各外國銀行營業均極發達勢力亦頗雄厚其日用所需之物及洋雜貨等均由京外輸運而來如雜糧多數來自京張京奉兩路米由京漢津浦麥及麪粉道由京奉銷數極巨牛羊猪三項自東西北三口運來每年共銷二百萬元藥材分春秋兩季春銷五萬兩秋銷十五萬兩自祁州運來煤油紙烟亦爲進口貨之大宗至運出之貨甚少如雞鴨羊毛牛羊皮骨等統計每年約三十萬兩專銷洋商餘若雜糧麥子鮮果杏仁等土產皆產於附近各縣直運銷售故北京祇有進口稅

并無出口稅云。

天津 市面通用行平化寶銀。計行平每千兩。比津公砵平大五兩。比津錢平大八兩。比津鹽運司庫平小三十三兩。至化寶銀色極低。約爲九九四。如交庫款。名曰白寶。每日公所均有行市。若開白寶。價八兩。是較化寶。每千兩。須申此數也。時有漲落。銀幣若新幣北洋站人造幣廠等銅幣。各省所鑄。均通行。惟習慣每銅元五十枚。卽爲一千文。紙幣。通行中國交通兩行。及外國銀行所發行之鈔票。

天津爲京師門戶。又爲北省直晉魯隴秦張家口等處通商要衝。陸有津浦京奉。轉入京張京漢等路。水路輪船。埠岸林立。至冬河封凍。秦皇島尙能出入自由。南北交通形勢便利。現在進口洋貨。達規元五千餘萬兩。以洋布棉紗顏料糖貨雜貨爲大宗。土貨出口。約四千萬兩。以鹽爲大宗。去年長蘆收稅。至一千餘萬兩。棉花及含有油質之各種子仁。如胡麻子芥菜子之類。次之。其餘約二千萬兩。以粗布棉紗糧食麪粉爲最多。

保定 市面通用保市平新化銀。計保市平每千兩。比藩庫平小十兩。比津行平大二十一兩。又庫平足寶銀每千兩。比津行平大三十一兩八錢。銀色以新化銀爲主。每百兩能抵足色白寶九十九兩五錢。銀幣通用新幣北洋站人三種。銅幣各省通行。紙幣中國交

通兩行鈔票最暢用。

保定據居庸紫金倒馬三關之中。重山西峙。羣水東匯。形勢極見重要。自京漢鐵路開駛以來。交通尤便。各商範圍漸廣。市面亦日見發達。惟改革後。曾遭兵變。元氣大傷。加以行政機關。移駐天津。商務更形蕭瑟。邇已添設道尹。然欲恢復舊觀。尙需時日。錢商共十餘家。近中國交通直隸省銀行。各設分行。且發行鈔票。市上金融。稍覺活動。出產。棉花生油。羊皮羊毛布疋及藥材等。均運銷北京豐台兩處。每年約值百萬元。進口貨。以安新縣及信陽大米滄縣小米。蔚州麻繩爲大宗。洋貨雜貨次之。

霸縣市面行用貨幣。以制錢爲主。現銀缺少。霸平每千兩。比京公砵平大十四兩。銀幣通用新幣。北洋站人三種。銅幣僅作爲輔助之幣。紙幣以中國銀行鈔票爲通行。

霸縣出產品。以糧食爲大宗。每年交易約值銀二十萬圓。中國分銀行業已成立。發行鈔票。市面商務均覺活動。

密雲市面通用東錢。商號往來交易。以銀幣爲主。新幣北洋站人三種合用。若紙幣中國分行已發行。無現銀交易。

密雲出產品。以杏仁。蜂蜜。蠶絲。果品爲大宗。市面素稱富厚。商號以米。布。牲畜。雜貨。燒鍋。

鹽店爲著。中國已設分行。發行紙幣。全年市面出入。總計約銀二百萬圓。商號約共百餘家。

靜海 市面通用白寶銀。或高足錠。較北京十足。每千兩升色五六兩。通用之平。比京公砵平。每千兩大二十七兩。通行新幣北洋站人三種銀幣。中國銀行紙幣及銅幣。靜海乃水陸通衢。在天津西南。水路九十里。陸路七十五里。有津浦鐵道。交通稱便。商號以鹽糧兩商爲巨擘。雜貨業次之。每年市面出入。總計約銀一百八十萬圓。此外鹽商約二十萬圓。惟電局尙未分設。

蘆台 市面通用老廣廣平。計每千兩比京公砵平大五十四兩。松江錠本極通用。惟前清末季。日見減少。今惟存有虛名而已。至完納捐稅。市面交易。以北洋站人及中國銀行鈔票等爲通用。

蘆台屬寧河縣轄。距縣城三十餘里。有商號二百餘家。居民三萬餘戶。出產品以食鹽、蘆席爲大宗。惟糧食不敷本地民食。仰東三省接濟。水陸交通便利。故東省之米、山西之鍋均以此處爲銷場焉。中國已設分行。全年市面交易。約銀六七百萬圓。收付雖用銀幣。惟商家仍遵向來習慣。按照三八一六之卯集期。聚於商業研究所。開議錢盤及借貸之卯。